


18
19
20
21
22
23
24
25
26
27
28
29
30
31
32
33
34
35
36
37
38
39
40
41
42






112
112



金石文字記

五六





金石文字記卷之五

唐

國子學石經

周易二萬四千四百三十七字

尚書二萬七千一百三十四字

毛詩四萬八百四十八字



周禮四萬九千五百一十六字

儀禮五萬七千一百一十一字

禮記九萬八千九百九十四字

春秋左氏傳一十九萬八千九百四十五字

公羊傳四萬四千七百四十八字



穀梁傳四萬二千八十九字

孝經二千□百□十三字

論語一萬六千五百九字

爾雅一萬七百九十一字

五經文字

九經字樣

九經并孝經論語爾雅字樣等都計六十五萬二百五十二字

今在西安府儒學其未有年月一行題名十行曰開成二年丁巳歲月次于亥日惟丁亥書石學生前四門館明經臣

陳玠書石學生前文學館明經臣□□□□

書石官將仕郎守潤州句容縣尉臣段絳校勘兼

看書上石官將仕郎守秘書省正字臣栢嵩校勘

兼看書上石官將仕郎守四門助教臣陳莊士覆

定字體官翰林待詔朝議郎權知沔王友上柱國

賜緋魚袋臣唐玄度校勘官兼專知都勘定經書

檢校刊勒上石朝議郎守國子毛詩博士上柱國

臣章師道朝散大夫守國子司業騎都尉賜緋魚

袋臣楊敬之都檢校官銀青光祿大夫□□□□

□□□□□□國子祭酒同中書門下平章事太

清宮使監修國史上柱國滎陽郡開國公食邑二

金石文字記卷五
千戶臣覃

官銜缺十字九經字樣云右僕射兼門下侍郎國子祭酒平章事覃

按舊唐書開成

元年正月中書門下奏起居舍人集賢殿學士周墀監察御史張次宗禮部員外郎孔溫業兵部員外郎集賢殿直學士崔球等同勘校經典釋文又云令率夏令韓泉克詳定石經官新唐書亦列墀等四人而碑並不載

舊唐書文宗紀開成二年宰臣判國子祭酒鄭覃進石壁九經一百六十卷時上好文覃以經義啓導稍折文學之士遂奏置五經博士依漢蔡邕刊碑列於太學創立石壁九經諸儒校正訛謬上又令翰林勒字官唐玄度復校字體又乖師法故石

經立後數十年名儒皆不窺之以爲蕪累甚矣舊史之評如此愚初讀而疑之又見新書無貶辭以爲石壁九經雖不逮古人亦何遽不賢於寺碑篆碣及得其本而詳校之乃知經中之繆戾非一而劉昫之言不誣也略識于左

周易 君子以哀多益寡哀誤作褒 悔吝者言

乎其小疵也言誤作存 其孰能與於此哉脫於

字 周易繫辭下第八脫下字 易窮則變變則

通通則久是以自天祐之吉无不利下多一也字

力小而任重小誤作少 傷於外者必反其家

其誤作於 决必有所遇脫所字 蠱則飭也飭

誤作飾 豐多故親寡旅也故下多一也字 姤
遇也姤誤作遘

其與今文不同而兩通者 終來可他吉他作它

剛健篤實輝光輝作輝 君子以治曆明時曆

作歷 可與佑神矣佑作祐 其受命也如嚮嚮

作響 兼三才而兩之三才之道也才皆作材

其一字而前後不同者 包蒙包荒包承包羞繫

于包桑繫辭下同包皆作苞包有魚包无魚以杞包瓜

包皆作包 問以辨之由辨之不早辨也其辨明

也明辨哲也辨吉凶者存乎辭困德之辨也井以

辨義辨是與非辨皆作辯君子以類族辨物剝牀

以辨君子以慎辨物居方復小而辨於物辨皆作

辨其旁注者 至靜而德方德下添一也字 賁

亨小利有攸往利下添一貞字

其先誤而後改者 略例筮誤作荃 愈誤作喻

二无誤作無 皆即其誤改之

其標題周易繫辭上第七周易繫辭第八周易說

卦第九皆八分書而周易序卦第十周易雜卦第

十一皆正書雖依古注本附於第九之內以正書

為別終似未安

尚書 乃祖乃父丕乃告我高后曰作丕刑于朕

孫乃父誤作先父孫上多一子字 臣下罔攸稟

令令誤作命 若藥弗瞑眩藥誤作樂 王乃徇

師而誓徇誤作循 乃汝世讎世誤作誓 太保

乃以庶殷攻位于洛汭攻誤作公 用端命于上

帝于誤作予 敢對揚天子之休命

其與今文不同而兩通者

無之字

其旁注者 予有亂臣十人臣字旁注 惟婦言

是用是字旁注 釋箕子囚封比干墓式商容閭

干下容下各添一之字

詩 小戎序國人則矜其車甲甲誤作田 舒慢

受兮優誤作憂 予尾脩脩脩誤作脩 戎車既

飭飭誤作飾 以祈黃耆祈誤作祁 涼曰不可

涼誤作諒 無此疆爾界界誤作介 侯疆侯以

疆誤作彊

其與今文不同而兩通者 雝雝鳴鴈雝作雍

之死矢靡他他作它 不知我者謂我士也驕作

不我知二章同 和鸞雝雝雝作雍 何人斯序

故蘇公作是詩以絕之也以作而 維塵雝兮雝

作雍 既匡既敕敕作勅 其政不獲政從鄭箋

作正 尚不愧于屋漏愧作媿 于彼西雝肅雝

和鳴有來雝雝皆作雍 屢豐年屢作婁

其先誤而後改者 抱衾與裯裯誤作稠 不瑕

有害瑕誤作遐 鱸鮪發發誤作撥 嚮脊背

憎尊誤作蹲 如彼遡風遡誤作愬 駟駟牡馬

牡皆誤作牧皆即其誤改之 云何其盱脫其字

添

周禮 女史八人史誤作使 太宰三曰郊甸之

賦郊誤作邦 內饗豕盲視而交睫豕誤作施

典臬掌布總縷紵之麻草之物總誤作絲 牛人

軍事共其犒牛犒誤作犒 司市市司帥賈師而

從賈誤作胥 肆長掌其戒令令誤作禁 鞮鞻

氏府一人一誤作八 鬯人榮門用瓢齋用誤作

明 司几筵設莞筵紛純筵誤作席 大司樂大

磬磬誤作磬 王大食三侑侑誤作宥 大師令

奏鼓鞀鼓誤作鞀 大祝四曰禋禋誤作榮 司

常家各象其號象誤作相 凡以神仕者仕誤作

士 小子史二人二誤作一 大司馬旗居卒間

居誤作車 考工記 妘胡之筥筥誤作筥 矢

人前弱則俛俛誤作勉

其與今文不同而兩通者 醫師疢瘍者疢上多

一有字 野廬氏有相翔者誅之誅上多一則字

邦之大師大上多一有字 庭氏以救日之弓

與救月之矢射之射上多一夜字

儀禮 士冠禮捷柶與捷誤作建 鄉射禮司射

儀禮 士冠禮捷柶與捷誤作建 鄉射禮司射

適堂西袒決袒誤作袒 福髮橫而奉之奉誤作

拳 大夫與士射袒纁襦纁誤作薰 燕禮右祭

脯醢脯誤作醢 大射儀賓升成拜拜誤作敗

坐授瑟乃降授誤作受 聘禮賓既將公事復見

訝以其擊訝誤作之 公食大夫禮陳鼎於碑南

南面西上脫一南字 覲禮天子賜舍曰伯父脫

曰字 士喪禮祭服不倒倒誤作到 少牢饋食

禮如筮日之儀儀誤作禮 主婦被錫衣侈袂侈

誤作移下同 祝延尸延誤作筮 有司徹二手

執挑七枋挑誤作挑 主婦洗爵于房中脫爵字

主婦北面答拜受爵尸降筮受主婦爵以降誤

作受尸爵 主人降洗爵爵誤作解下主人實爵

竝同 主人拜受爵尸拜送脫爵字

其與今文不同而兩通者 鄉射禮適左个中亦

如之亦作皆 燕禮小臣又請勝爵者二大夫勝

爵如初大夫下更有大夫二字

禮記 御刪定月令在曲禮之前 月令人乃遷

徙徙誤作徒 其器闕以奄奄誤作掩 檀弓上

周公蓋祔祔誤作附 王制示弗故生也示誤作

亦 禮器饗帝於郊而風雨節寒暑時脫節字

學記燕辟廢其學辟誤作譬 喪大記男子出寢

門外脫外字 子大夫公子衆士食粥脫衆士二

字

字 哀公問如此則國家順矣脫則字 坊記民
猶薄於孝而厚於慈猶下多一有字 中庸待其
人而後行而誤作然 君子之所不可及者脫之
字 緇衣有國家者章義羶惡脫家字 儒行慎
靜而尚寬脫而字 大學人之其所親愛而辟焉
五辟字皆誤作譬 若有一人臣介誤作介
其與今文不同而兩通者 檀弓上有亡惡乎齊
亾作無 歲壹漆之壹作一 樂記非聽其鏗鏘
而已也鏘作鎗 雜記上客立于門西于作於
雜記下泄桺之母死泄作世 喪大記命婦記拜
衆賓於堂上於作于 主人先俟于門外于作於

中庸可一言而盡也一作壹 問喪祭之宗廟

以鬼享之享作饗 大學堯舜帥天下以仁二帥
字皆作率 昏義祖廟既毀教于宗室于作於
射義是以諸侯君臣以作故

其先誤而後改者 學記教人不盡其材材誤作
才 故人不耐無樂耐誤作能皆即其誤改之

春秋左傳 隱元年且告之悔且誤作具 五年
僖伯稱疾不從疾誤作侯 十年伐戴戴誤作載

桓二年故封桓叔于曲沃故誤作政 六年楚
之羸羸誤作羸 以類命為象類誤作德 閔二

年從曰撫軍軍誤作國 僖三年公子友如齊泣

盟泣誤作泣 四年歸胙于公脫胙字 姬寘諸

宮六日宮誤作公 公殺其傅杜原款傅誤作傳

七年弗可改也已改誤作故 十四年公怒止

之止誤作上 十五年輅秦伯輅誤作轄 使卻

乞告瑕呂飴甥且名之且誤作國 二十五年昏

而傅焉傅誤作傳 二十七年責無禮也責誤作

青 卻穀可穀誤作穀 三十一年晉新得諸侯

新誤作親 東傅于濟傅誤作傳 三十三年入

險而脫入誤作人 為從者之淹淹誤作流 文

元年王使毛伯衛來錫公命錫誤作賜 享江芊

芊誤作芊 二年廢六關關誤作闕 七年寘文

公子焉焉誤作曰 十二年天子以夫鍾與邲邲

來奔邲誤作封 宣二年晉趙盾弑其君夷臯弑

誤作殺 二年晉侯伐鄭及邲邲誤作延 商紂

暴虐紂誤作討 四年秋公如齊秋誤作利 六

年離卦誤畫作同人 八年殺諸絳市絳誤作終

十二年晉師在敖鄆之間師誤作帥 十五年

吾獲狄土土誤作士 十七年盟于卷楚卷誤作

巷 卻子其或者欲已亂於齊乎乎誤作平 十

八年凡自虐其君曰弑虐上多一內字 成二年

及齊師戰于新築師誤作侯 且辟左右且誤作

旦 七年尋蟲牢之盟蟲誤作蠱 十七年楚公

子橐師襲舒庸橐誤作橐 襄十年子矯曰矯誤
作矯 今伐其師今誤作令 十四年士鞅反反
誤作及 十七年苟過華臣之門必騁騁誤作聘
十九年而視不可含含誤作舍 所不嗣事于
齊者事誤作是 天子令德天誤作夫 二十一
年欒盈過于周過上多奔楚二字 二十三年邾
畀我來奔畀誤作卑 二十五年先夫當之矣夫
誤作天 井堙木刊堙誤作煙 賦車兵徒卒甲
楯之數卒誤作兵 二十七年父子死余矣余誤
作餘 免餘復攻甯氏餘誤作余 二十八年重
丘之盟未可忘也忘誤作志 使析歸父告晏平
仲晏誤作宴 文子使召之召誤作君 慶氏之
馬善驚馬誤作焉 武王有亂臣十人脫臣字
三十年蔡景侯為太子般娶于楚娶誤作聚 單
公子愆期期誤作旗 駟帶追之駟誤作四 昭
元年今武猶是心也今誤作令 二年齊使上大
夫送之送誤作逆 三年少姜有寵而死姜誤作
齊 知而復從復誤作弗 四年恃險與馬馬誤
作焉 五年娶於子尾氏娶誤作聚 君若驩焉
好逆使臣若誤作苦 九年無圍猶可圍誤作宥
十三年隱太子之子廬歸于蔡廬誤作盧 十
四年楚子使然丹簡上國之兵於宗丘宗誤作宋

二十年余不忍其詢詢誤作詢 取人於萑苻
之澤苻誤作符 二十一年心是以感感實生疾
感誤作咸 二十五年士平出奔楚士誤作氏
邊印為大司徒印誤作印 二十五年季公鳥生
申申誤作甲 二十七年入于堀室堀誤作堀
定元年榮駕鷺駕誤作駕 三年及邾子盟于扞
扞誤作技 八年子姑使溷代子代誤作伐 十
年駟赤謂侯犯曰赤誤作亦 哀四年盜殺蔡侯
申殺誤作弒 蔡昭侯將如吳蔡誤作華 十六
年與晉人謀襲鄭晉誤作為 二十三年有不腆
先人之產馬馬誤作焉 二十六年四方其訓之

訓誤作順

其與今文不同而兩通者 宣二年以視諸朝視
作示 哀十六年此事克則為卿事下有也字
其續添者 昭二十二年辛丑伐京毀其西南下
添子朝奔郊四字
春秋公羊傳 隱元年何以名字也字上多一不
字 二年婦人謂嫁曰歸嫁誤作稼 三年曷為
或言崩或言薨脫上一或字 生母相見死母相
哭母字竝誤作母死母誤作母死 六年吾與鄭
人未有成也未誤作未下同 十年宋人蔡人衛
人伐載載誤作戴 桓二年曰有有則此何以書

脫一有字 隱賢而桓賊也賊誤作賤 莊十九
年此其言遂何脫其字 二十五年求乎陰之道
也陰誤作隱 三十二年狄伐邢邢誤作刑 僖
四年南夷與北狄交誤作北夷 六年此其言圍
何圍下多一者字 二十六年乞師者何脫師字
三十年歸惡乎元咺也乎誤作于 三十三年
百里子與蹇叔子百誤作伯 文四年其謂之逆
婦姜于齊何何誤作河 宣十五年然後歸爾爾
誤作耳 成十五年成公幼幼誤作憂 臧宣叔
者相也叔誤作公 襄十四年季孫宿會晉士匄
宋華閱衛孫林父鄭公孫薑莒人邾婁人于戚邾
婁人脫人字 十七年春王二月二誤作三 十
九年爲其驕蹇爲誤作或 二十九年許人子者
必使子也人下脫子字 昭九年其言陳火何脫
陳字 定元年立煬宮宮誤作公 四年夷狄也
而憂中國而誤作其 哀四年盜殺蔡侯申殺誤
作弒 六年齊國夏及高張來奔高上多一齊字
十四年顏淵死子曰子上多一孔字
其與今文不同而兩通者 隱四年隱公曰否作
隱曰吾否 桓六年簡車徒也徒作馬 淫乎蔡
乎作于 十一年祭仲者何鄭相也相上有之字
文六年何以謂之天無是月非常月也是月下

夏有是月二字 宣六年此非弒君而何而作如
十年未絕於我也於作于 十二年是以君子
篤於禮而薄於利下於作于 成二年得一貶焉
爾一作壹 襄十二年春王正月正作三 二十
九年爾殺吾君殺作弒 昭三十一年於是負孝公
之周愨天子愨作訴 哀十四年有麇而角者麇作
麇

其先誤而後改者 桓二年此其目言之何目誤
作月 閔元年盍弒之矣使弒子般弒竝誤作殺
僖十三年葬陳宣公宣誤作桓 成二年及齊
侯戰于鞏侯誤作師 昭二十五年慶子免君於
大難矣脫矣字皆即其誤改之

春秋穀梁傳 隱元年父者何傳也傳誤作傳

四年弒而代之也代誤作伐 九年所俠也俠誤

作挾 莊七年則是兩說也兩誤作兩下同 僖

五年天子世子世天下也誤作士子 二十二年

春秋三十有四戰脫有字 二十八年晉侯齊師

宋師秦師誤作齊侯 文二年内大夫可以會外

諸侯脫外字 三年王子虎卒誤作壬子 宣八

年以譏乎宣也譏誤作饑 襄元年晉侯使荀罃

來聘罃誤作嬰 二年三年同 三年諸侯始失正

矣正誤作王 六年立異姓以蒞祭祀立上多一

非字 哀元年此該之變而道之也該誤作郊
六年入者內弗受也弗誤作不下同

其與今文不同而兩通者 僖十七年桓公嘗有
存亾繼絕之功脫公字 文六年處父主境上事

事上多一之字 成五年帥羣臣而哭之前作率
後作帥

其先誤而後改者甚多不具載
論語 賜也爾愛其羊爾誤作女 不知其仁仁

誤作人 子使漆雕開仕雕誤作彫 再斯可矣
斯誤作思 三人行三上多一我字 必有我師

焉有誤作得 冉有子貢侃侃如也有誤作子
告夫三子三上多一二字 可與言而不與之言

脫之字 無求生以害仁仁誤作人 吾猶及史
之闕文也脫之字 稱諸異邦曰諸誤作謂 何德之

衰衰下多一也字
其與今文不同而兩通者 女得人焉爾乎爾作

耳 人潔已以進潔作絜
其先脫而後添注者 陽貨篇子曰巧言令色鮮

矣仁
爾雅 替戾底廢誤作底底 翽燾也翽誤作翽

皇華也誤作華皇 赫兮咺兮咺誤作烜 是
刈是穫誤作獲 木謂之虞木誤作本 何鼓

謂之牽牛何誤作河 澤鳥蘧蘧誤作菴 葦麻
母葦誤作葦 獲橐含獲誤作攫 祝州木祝誤
作祝 魚尾謂之丙尾上添一之字 燕白脰鳥
鳥誤作烏 楊鳥白鶯楊鳥誤作楊 鳶鳥醜鳥
誤作烏 鳥鵲醜鳥誤作鳥 鷹大鷹誤作大鷹
凡經中二十字皆作卅 卅十字皆作卅 卅按古詩之
文多是四言如于三十里三十維物皆四言也則
當為三十字史記秦始皇刻石如卅有六年維卅
九年卅有七年則當為卅字卅字今改經文而為
卅卅字非矣

凡經中虎字皆缺末筆作虎虓號號齧齧澎簾襍字
皆同避太祖諱 淵字皆缺筆作淵 淵亦作淵 淵
高祖諱 世字皆缺筆作世 泄作洩 紕作緇 棄作
弃 勤作勣 葉作業 漆捺棘 倅倅 倅倅 倅倅 倅倅
民字皆缺筆作民 岷作岷 岷作岷 岷作岷 岷作岷
愍 蟲皆改從氏 避太宗諱 亨字皆作亨 避肅宗
諱 豫字皆缺筆作豫 避代宗諱 适字皆缺筆
作适 避德宗諱 誦字皆缺筆作誦 避順宗諱
純字皆缺筆作純 避憲宗諱 恒字皆缺筆作恒
避穆宗諱 湛字皆缺筆作湛 甚作甚 榘作榘 避
敬宗諱 乃若高宗諱 治中宗諱 顯睿宗諱 旦玄
宗諱 隆基文宗諱 涵皆不缺筆者 禮天子事七廟

白肅至敬七宗而高祖太宗創業之君不祧者也

玄宗以上則祧廟也故不諱冊府元龜寶曆元年正月太常寺禮院上言玄宗廟諱准故事

祧遷後不當更諱制可文宗則今上也古者卒哭乃諱故生不諱

左傳文公宣公卷字夏濫惡而成城字皆缺末

筆穀梁襄昭定哀四公卷儀禮士昏禮皆然此為

朱梁所補刻考之宋劉從又黎持二記但言韓建

劉鄩移石而不言補刻宋建隆三年劉從又修文宣王廟記言天祐甲子歲太尉許國公為居守移太

學并石經於此甲子歲昭宗遷維之年許國公者韓建也元祐五年黎持新移石經記則云舊在務本坊自天祐中韓建築新城而石經委棄于野至朱梁時劉鄩守長安從幕吏尹玉羽之請輦入城中置于此地即唐尚書省之西隅也今龍圖呂公頌漕陝右以其處窪下命徙置於府學之北墉而建亭焉二說不同朱彞尊曰尹玉羽者京兆長安人以孝行聞劉鄩辟為保大軍節度推官歷雍汴滑兗從事仕後唐至光祿少卿晉高祖召之辭以老退歸關中嘗著自然經五卷武庫集五十卷其事散見於冊府元龜惜歐陽子不為立傳而其書亦不傳於世也然成字缺筆

其為梁諱無疑昔人固未嘗徧讀而博考也詳見

鎮東軍牆隍廟記下

五經文字三卷凡一百六十部三千二百三十五

字大曆十一年國子司業張參以說文字林兼采

漢石經著為定體按劉禹錫國學新修五經壁記

曰大曆中名儒張參為國子司業始詳定五經書

於論堂東西廂之壁辨齊魯之音取其宜考古今

之文取其正由是諸生之師心曲學徧聽臆說咸

東而歸於大同積六十載崩剝汗鱗泯然不鮮今

天子尚文章尊典籍國學上言遽賜千萬時祭酒

皦博士公肅韋公肅遂以羨贏再新壁書懲前土塗不

克以壽乃折堅木負墉而比之其製如版牘而高
廣其平如粉澤而絜滑背施陰闕使衆如一附離
之際無迹而尋堂皇靚淡兩屋相照申命國子能
通法書者分章揆日懸其業而繕寫焉此文當作
於太和年間自土塗而木版自木版而石壁凡三
易矣乃今石刻其末曰乾符三年孫毛詩博士自
牧以家本重校勘定當云毛詩博士孫
自牧於文乃順七月十八日書
刻字人魚宗會其字別體與朱梁所刻相類而本
文不然當是開成中所刻其中有磨改數字者意
自牧所爲也

九經字樣一卷凡七十六部四百二十一字國子
監奏覆定石經字體官翰林待詔唐玄度狀准太
和七年十二月五日勅覆定九經字體者今所詳
覆多依司業張參五經文字爲准其舊字樣歲月
將久畫點參差傳寫相承漸致乖誤今竝依字書
參詳改正諸經之中別有疑闕舊字樣未載者古
今體異隸變不同如總據說文即古體驚俗若依
近代文字或傳寫乖訛今與校勘官同商較是非
取其適中纂錄爲新加九經字樣一卷請附於五
經字樣之末奉勅宜依開成二年八月十二日中
書門下牒

冊府元龜周太祖廣順三年六月尚書左丞兼判

國子監事田敏獻印板書五經文字九經字樣各
二部一百三十策奏曰臣等自長興三年較勘雕
印九經書籍經注繁多年代殊邈傳寫紕繆漸失
根源臣守官膠庠職司較定旁求援據上備雕鐫
幸遇聖朝克終盛事播文德於有截傳世教以無
窮謹具陳進是此二書曾有印板而自宋以來學
者不言之何也

梓州刺史馮宿碑 王起撰 柳公權正書并篆額
今在西安府儒學其文後半已漫漶不辨年月其
首云開成元年十二月又云明年五月云

某公塔銘 李弘度撰 沙門建初行書 開成四
年五月

今在西安府城南興教寺
大徧覺法師玄奘塔銘 劉軻撰 沙門建初行書

開成四年五月
今在西安府城南興教寺

太尉李光顏碑 李程撰 郭虔正書 開成五年
今在榆次縣

司直廳石幢 鄭模撰 裴諸書 庚申年正月是
開成五年 續有會昌元年評事李口述一通

今在西安府城內
寂照和上碑 段成式撰 僧無可正書 顧玄篆

額 開成六年正月

今在咸陽縣

贈太師崔陸碑

劉禹錫撰

柳公權正書

會昌

元年五月

今在偃師縣

大達法師玄秘塔碑銘

裴休撰

柳公權正書并

篆額

會昌元年十二月

今在西安府儒學碑陰有勅內莊宅使牒及比丘

正言疏大中六年四月

皇帝巡幸左神策軍紀聖德碑

崔鉉撰

柳公權

正書

會昌三年

拓本

重藏舍利記

采師倫正書

會昌六年九月

今在京師憫忠寺

此初復佛寺之文

周公祠靈泉碑

崔珙奏

答詔

正書

大中二

年十一月

今在岐山縣周公廟

杜順和尚行記

杜殷撰

董景仁草書

大中六

年口月

今在西安府開佛寺

睿宗與司馬鍊師書三通

玄宗與司馬鍊師書一

通 五言詩一首 司馬承禎狀一通 批答 韓

抗正書 大中八年五月

今在王屋山陽臺觀

圭峰定慧禪師傳法碑 裴休撰并書 正書 柳

公權篆額 大中九年十月

今在鄆縣草堂寺

吏部題名石幢 大中十一年十一月

今在西安府儒學按宋張舜民畫墁錄曰長安今

府宇即唐尚書省也府院即吏部也府錄廳前石

幢即郎官題名石也不知何年移此

鄭恒暨夫人崔氏墓誌銘 秦貫撰 正書 大中

十二年十二月

此即今世所傳崔鶯鶯者也年七十六有子六人

與鄭合葬此銘得之魏縣土中足辨會真記之誣

而志墓之功於是為不細矣

修文宣王廟記 賈防撰 溫孔裕奏 中書門下

牒 正書 咸通十一年三月

今在曲阜縣廟中

修武安君白公廟記 正書 乾符五年十二月

今在咸陽縣

李克用題名 正書 中和五年二月

今在曲陽縣北嶽廟中

其文曰河東節度使檢校太保同中書門下平章
事隴西郡王李克用以幽鎮侵擾中山領蕃漢步
騎五十萬衆親來救援與易定司空同申祈禱翌
日過常山問罪時中和五年二月廿一日克用記
易定節度使檢校司空王處存看題至三月十七
日以幽州請就和斷遂却班師再謁醉容兼申賽
謝便取飛狐路却歸河東克用重記其下小字云
天會十二年七月六日尚書都官員外郎知曲陽
縣事高君陳摹刊按舊唐書云時天子播越中原
大亂幽州節度使李可舉鎮州節度使王鎔以河
朔三鎮休戚事同惟易定二郡爲朝廷所有乃同
議攻處存以分其地又云幽鎮兩藩兵甲強盛易
定於其間疲於侵寇賴與太原姻好每爲之援即
其事也又按宋沈括筆談云嶽祠在曲陽祠中多
唐人故碑殿前一亭中有李克用題名則知此字
乃當時所刻或毀於靖康之兵火而金人重刻之
今石也然克用將門之子何能工於筆法乃爾豈
亦如宣和書譜謂後梁太祖批答賀表當是筆吏
所書之類與

朱彞尊曰文稱中和五年二月者即光啓元年考
僖宗以是年二月至鳳翔三月還京改元之詔猶
未下也通鑑言克用遣將康君立救處存而題名

則云領蕃漢步騎五十萬衆親來救援與通鑑異
又云至三月幽州請就和斷遂班師取飛狐路却
歸河東則又史所不及載者

重藏舍利記

正書

景福元年十二月

今在京師憫忠寺

蜀先主廟碑

郭口撰

正書

乾寧四年

今在涿州樓桑村廟中剝蝕其首行曰婁居道重
修

濟安侯廟記

李巨川撰

郭懷素正書

光化二

年四月

在華州城隍廟內近日移之西安唐昭宗自華州
還京改華州爲興德府封少華山神爲佑順侯華
州城隍神爲濟安侯此文多述韓建之功稱太傅
許國公而不名

唐文粹錄房鄴少華山佑順侯碑頌與此同時

朱彞尊曰巨川爲韓建掌書記撰許國公勤王錄
以媚建方昭宗幸華建請散殿後軍誅李筠圍諸
王十六宅皆巨川教之後爲朱全忠所殺新唐書
附諸叛臣之列

修文宣王廟院記

高諷撰并書

正書

天祐十五年四月

今在定州儒學碑稱太師中書令北平王者王處

直也按舊唐書處直傳天佑元年加太保封太原王後仕偽梁封北平王檢校太尉又按通鑑梁太祖開平四年鎮定復稱唐天祐年號今此天祐十五年為梁之貞明四年晉王已拔楊劉矣

重修法門寺塔廟記

薛昌序撰

王仁恭正書

天祐十九年二月

今在鳳翔府寺中

通鑑後唐莊宗同光二年封岐王李茂貞為秦王

今此碑天祐十九年建而其文已稱秦王則在同

光之前二年矣蓋必茂貞所自稱又史言茂貞奉

天祐年號此碑之末亦書天祐十九年而篇中歷

述前事則竝以天復紀年至天復二十年止亦與

史不合

陽翟縣侯褚亮碑

八分書

以下無年月

拓本半缺

北嶽神廟之碑

鄭子春撰

崔鑲八分書

李述

篆額

今在曲陽縣北嶽廟中

神字作豐下從旦禮記郊特牲所以交於旦明之

義也鄭康成曰旦當為神篆字之誤也莊子有旦

宅而無情死亦讀為神普之傳書者遺其上半因

誤為旦耳

畢郊乃是昴字省日作單卯已異又加一點用爲胎卯之卯豈古人卯卯通用歟金史有斜卯氏本竝作卯而潞州五龍祠明昌癸丑祈晴碑有上黨尉斜郊温玉竟作夕旁从卩與此碑畢郊之郊同碑陰紀段使君德政崔鏗撰并八分書

崔敦禮碑 于志寧撰 子立政正書

今在醴泉縣殘缺

張阿難碑 正書

今在醴泉縣殘缺

姜遐碑 姪邠公瞻撰并書 正書

今在醴泉縣殘缺

安定郡王李光進碑 令狐楚撰 子季元行書

今在榆次縣

修北嶽廟碑 劉端撰 王知新行草

今在曲陽縣廟中記王處直修廟事

重修柏谷寺記 李愚撰 正書

今在潞安府

盤山題名 大字正書

薊州西北三十里盤山上有李靖舞劍臺李從簡

曾遊十大字刻於石按冊府元龜李從簡文宗開

成初爲左金吾衛將軍兼御史中丞將命鹵庭不

能專對貶復州刺史意者其人乎

晉王墓二殘碑 正書

朱彞尊跋曰代州柏林寺東晉王李克用墓斷碑
二其一曰唐故左龍武軍統軍檢校司徒贈太保
隴西李公神道之碑文曰公諱國昌字德興今爲
隴西沙陀人偉姿容善騎射蓋克用之父朱邪赤
心也其一曰唐故使持節代州諸軍事代州刺史
李公神道之碑文曰公即太保之次子也其名克
字僅存餘可識者有公前躍馬彎弓及徐方等數
字按史克用弟四人次曰克讓爲振武軍校從討
王仙芝以功拜金吾衛將軍宿衛京師賜第於親
仁坊自克用稱兵雲中殺守將段文楚詔捕克讓
克讓與僕十餘騎彎弧躍馬突圍出奔鴈門與碑
文合則爲克讓無疑但史載克讓守潼關與黃巢
兵戰敗匿南山佛寺中爲寺僧所殺不言其爲代
州刺史又得歸葬于代皆不可曉者當歐陽永叔
時去五代甚近沙陀世次已不得詳其爲唐家人
傳謂太祖四弟皆不知其父母名號至國昌字德
興紀亦遺之是于碑永叔亦未之見也

淨住寺文賢劫像銘

八分書

今在西安府殘缺

虢國公主花臺銘

申屠液撰

正書

今在西安府南門內華塔寺

梁

鎮東軍墻隍廟記

錢鏐撰

開平二年歲在武辰

月

月字上
下皆空

今在紹興府臥龍山西岡上城隍廟中此碑以城
 為墻以戍為武按舊唐書哀帝紀天祐二年七月
 辛巳勅全忠請鑄河中晉絳諸縣印縣名內有城
 字竝落下如密鄭絳蒲例單名為文九月己巳勅
 武成王廟宜改為武明王十月癸丑勅改成德軍
 曰武順管內棗城縣曰棗平信都曰堯都欒城曰
 欒氏阜城曰漢阜臨城曰房子避全忠祖父名也
全忠祖
信父誠十一月甲申勅改潞州潞城縣曰潞子黎城

曰黎亭又勅改河南告成縣曰陽邑蔡州襄城縣
 曰苞孚同州韓城縣曰韓元絳州翼城縣曰澹州
 鄆州鄆城縣曰萬安慈州文成縣曰屈邑澤州晉
 城縣曰高都陽城縣曰濩澤安州應城縣曰應陽
 洪州豐城縣曰吳高又按五代史滑州唐故曰義
 成軍以避梁王父諱故曰武順又冊府元龜開平
 元年五月甲午改城門郎為門局郎曾子固跋韓
 公井記襄州南楚故城有昭王井故城今謂之故
 墻即鄆也由梁太祖父名誠避之然則城者誠之
 嫌名也冊府元龜言帝曾祖諱茂琳開平元年六
 月癸卯司天監上言請改日辰內戍字為武從之

然則戊者茂之嫌名也

容齋續筆謂戊類成字故改之者非

然戊本音茂

不知何以有武音而鄭樵謂十辰十二日皆為假

借甲本戈甲乙本魚腸丙本魚尾丁本薑尾戊本

武已本几又不知其說何所本也又如後漢執金

吾丞武榮碑云天降雄彥資才卓茂仰高鑽堅允

文允武則并茂字亦讀為武其來久矣

唐白居易詩有木名櫻桃得地

早滋茂與露去住顧妒樹賦為韻

僧彥修草書

乾化口年

今在西安府儒學

後唐

李存進碑

呂夢奇撰

梁邕正書并篆額

同光

二年

今在太原縣

千峰禪院勅

明宗御書

天成元年

今在澤州盤亭山宋有璽曰書詔新鑄之印

余所見宋元碑升作陞斗作蚪石作碩蓋如數口

之借用壹貳等字務令筆畫繁多以防改竄今按

此勅已用蚪碩干字而水經注有五蚪米道又云

長湖南有覆蚪山又舊唐書字多作蚪碩又韓文

公河南令舍池臺詩未許波瀾量斗碩則詩中亦

用之矣

鄧士望勘正劉漫塘文集云斗字古作豆俗誤併

爲一字作斗即杜詩秋雨歎亦然按漢書平帝紀民捕蝗詣吏以石斗受錢已作斗

今浙西吳中人猶謂十斗爲一石音石而北人讀石爲擔誤也漢書蒯通傳守儋石之祿注應邵曰齊人名小甕爲儋受二斛後漢書宣秉郭丹吳祐皇甫規傳竝作擔石注今江淮人謂一石爲一擔擔音丁濫反史記貨殖傳醬千甌索隱曰音都甘反漢書作儋孟康曰儋石甕受一石一音都濫反揚子法言吾見儋石矣

冥福院牒

長興四年九月

今在泰安州冥福寺

此牒無押而每人各用一印兩樞密使趙延壽范延光竝見五代史准字與嵩山會善寺戒壇碑大曆二年牒同

晉

建雄節度使相埋金碑

李象撰

成知訓正書

天福五年十月

今在汾陽縣小相里之北太師墓上五代史相埋金傳略同惟傳云字奉金而此云字國寶傳云贈太師而此云贈太子太師又對西河郡開國侯而史遺之皆當以此碑爲正也

碑云顓頊生大業大業生庭堅庭堅仕堯爲大理

官至殷末有理徵為殷伯其孫仲明逃紂之禍故去玉而稱里氏至周時晉有大夫里克其妻同成氏攜小子季連避地居於相城時人遂呼為相里氏相里武為漢御史相里覽為前趙將軍而莊子書言相里勤之弟子韓非子言有相里氏之墨作碑者不能引也

今汾陽有大相小相二村相里氏之後尚有數十

家因考北齊寺碑題名多相里氏史言武士護娶相里氏士護并州文水人去此

不遠至今千有餘年而裔孫猶居於此不獨晉俗淳

樸而山谷之險猶足以自保故能累代不遷若山

東河南則兵火之餘人民亾散欲求元時遺族已

寥寥不可見矣安邑縣北三十里亦有相里村

駙馬都尉史匡翰碑 陶穀撰 閻光遠行書 天

福八年

今在太原縣黃陵村

開化寺瑤嚴閣記 蘇禹珪撰 蘇曉行書 開運

二年

今在太原縣蒙山寺內元人重刻

天龍寺千佛樓碑 李暉撰 劉守清行書 王廷

譽篆額 開運二年

今在太原縣

朱彞尊曰碑稱承鈞為睿宗皇帝繼元為英武皇

帝皆史所未及

周

邢郡勅修六曹軒宇記 僧應文撰 正書 顯德

元年八月

今在順德府城西舊莊書不佳又多謬字

衛州刺史郭公屏盜碑 杜韡撰 孫崇望正書

顯德二年五月

今在衛輝府治郭進為衛州刺史羣盜屏跡世宗

勅右補闕杜韡序其事

龍泉禪院記 徐綸撰 王獻可後序并書 正書

僧師試篆額 顯德三年

今在陽城縣

內述天祐十九年按此地本屬梁此記乃追削梁號而稱天祐者

中書侍郎景範碑 扈載撰 正書

鄒平縣南五里有景相公墓通鑑後周顯德元年

七月癸巳以樞密院直學士平部侍郎長山景範

為中書侍郎同平章事此地唐時屬長山也景氏

之裔自洪武間有兩舉人今亦尚有諸生不能記

其祖矣不知何年謬傳為晉之景延廣而邑志載

之以後山東通志等書襲舛承訛無不以為延廣

墓後有令於此者謂延廣在晉為誤國之臣遂至

答其後人而毀其祠昔年邑之士大夫亦有考五代事而疑之者予至其邑有諸生二人來稱景氏

之孫請問其祖為誰予乃取通鑑及五代史周世

宗紀示之又示以景延廣傳曰延廣字航川陝州

人也其官為馬步軍都指揮使非此明矣宋史魯居瀛傳曰景延廣

寓其族于雒乃謝而去間十日往郊外視其墓碑其文為

翰林學士朝議郎尚書水部員外郎知制誥柱國

扈載撰五代史扈載傳官銜同冊府元龜載初為監察御史嘗游相國寺僧院作賦畱題於壁帝聞之命黃門就其院錄之以進俄拜

兵部員外郎知制誥雖剝落者十之一二而其曰故中書侍郎

平章事景公諱範字甚明白且生封上柱國晉陽

縣開國伯沒贈侍中而其文有曰我大周聖神恭

肅文武孝皇帝建大功於漢室為北藩於魏郡又

曰今皇帝嗣位登用舊臣又曰冬十一月薨於淄

川郡之私第其末曰顯德三年歲次丙辰十二月

己未朔越十日戊辰因歎近代士人之不學以本

邑之人書本邑之事而猶不可信以明白易見之

碑而不之視以子孫而不識其先人推之天下郡

邑之志如此者多矣

又按通鑑顯德二年八月丁未中書侍郎同平章

事景範罷判三司尋以父喪罷政事今碑文有云

以列御歸第懸車故鄉嗟風樹之忽驚訴昊天兮

何極則是罷官歸里而後遭父喪與史不同宋史

張美傳曰世宗即位時宰相景範判三司被疾世宗命美爲右領軍衛大將軍權判三司或者以疾而罷罷而遭父喪乎
王元美作李于鱗友人龔克懋妻景氏墓誌銘亦以爲延廣之後雖本其家之行狀然王李二公亦未嘗究心於史學也

金石文字記卷之五終

金石文字記卷之六

識餘

岱嶽觀王圓題名

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲仁詩此碑前文從右方起後詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即於空處插入大小高下俱無定準宋初亦然自大中祥符以後題名者乃別求

金石文字記卷六
一石刻之字體始得舒縱亦不與舊文相亂然石
小易於搬取故題名愈多而存者愈少今之溝渠
碾磨之間皆是物矣此碑西側面又有宋政和甲
子題名一條

又按茶薈之茶與茶苦之茶本是一字古時未分
麻韻茶薈字亦只讀爲徒東漢以下乃音宅加反
而加字音居何反猶在歌戈韻梁以下始有今音
又妄減一畫爲茶字此碑兩見茶字皆从艸从余
可見唐時字體尚未變爾雅櫝苦茶廣韻九麻中
有茶字又有茶字注曰俗是也

又任要題名曰貞元十四年正月十一日立春祭
嶽遂登太平頂宿其年十二月廿一日立春再來
致祭茶宴于茲曰茶宴者蓋唐時祭畢猶不用酒
今不然矣

宋董元康題名

右小石刻在岱嶽觀予既錄唐碑往還數四道士
謂余曰昨發地得石刻二請觀之其文亦可采因
附焉下題同此

盛勛題名

右小石刻在岱嶽觀戊戌乃政和八年其年十一
月己酉朔改元重和曰決獄者讞而決之古無仲
夏斬決之事也

宋真宗廣生帝君讚

右碑在泰山南麓青帝觀中宋真宗御製廣生帝君讚并序其文及篆額皆御書青帝即禮記月令所謂其帝太皞而史記封禪書秦宣公作密時於渭南祭青帝唐書王與傳請置春壇祀青帝于國東郊者也夫帝者一而已矣易傳曰帝出乎震齊乎巽相見乎離致役乎坤說言乎兌戰乎乾勞乎坎成言乎艮是周流于四時八卦之中而其爲帝者一也家語載孔子之言曰丘也聞諸老聃曰天有五行水火金木土分時化育以成萬物其神謂之五帝古之王者易代而改號取法五行五行與王終始相生亦象其義故其生爲明王者死而配五行是以太皞配木炎帝配火黃帝配土少皞配金顓頊配水於是有一天帝五人帝之說漢儒因之遂立感生帝之名謂帝王先祖皆感太微五帝之精以生鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍諸儒所排駁而後世雖存五帝之祀亦不遵用其名者也豈若易傳之言簡而當哉若真宗之事又所不足論云

升元觀牒

右碑在泰山東南麓升元觀其大字草書甚道勁

不知何人筆錄之以見當日牒文之式考宋史婁寅亮傳但云政和二年進士為上虞丞不言歷官兗州亦可以此碑補史之闕其曰太師魯國公則蔡京也

普照寺有金大定五年牒碑長春觀有元丁亥年牒碑其式畧同金元碑並有印曰尚書禮部之印即今通行大篆文不用女直蒙古字

宋范致君題名

右小石刻在泰山南麓后土廟

錢伯言題名

右碑舊在宋天書觀後人移之州城內嶽廟中西

墀古松下行書大徑寸餘

白龍池宋人題名

內供奉官李舜舉被命禱祀帝嶽奉香勝槩於壽聖節日先款青帝宮次詢白龍潭治平四年題

兗守劉袞奉詔祈雪于岱宗登絕頂翌日謁白龍池之祠元祐丁卯孟春初四日奉符令林會題

貫道建欄於此以便游者元祐丁卯正月八日

范陽正輔再遊同魯國景元至丁丑三月廿六日

元符庚辰七月晦趙習之徐安國弟居仁孫正仲同遊

皇甫偁徐端朝孫憐同遊建中靖國元年三月廿六

金石文字言卷六
四
日題

奉符令李珪因捕蝗恭謁白龍祠男彙侍行崇寧壬午孟春初七日

誠中君寶德升崇寧二年八月廿六日自王母池來訪此

董元康政和甲午重九日攜家來游質贄責侍行自恭觀元康兄畱字政和乙未孟冬二十日

莆陽陳國瑞子玉恭謁白龍池祠俯洞酌泉小憇而邁政和丁酉夏前二日

姜子正子方李晉道劉言可刀文叔同來庚子四月李顯道張公美王仲與張去塵庚子孟夏十九日同

遊池上

鄆城李債弟俊侄贛隨侍遊此癸卯季春廿八日張子觀水于池十三年春三月

右在嶽西傲來峰下白龍池石壁上平廣計二十餘丈書曰龍潭口白龍池竝大字其旁皆宋人題名尚未刊缺錄之得十五首其文畧無重複自治平迄宣和六十年間人名字亦可以想見當日太平之盛而金元以降海遭兵火名山奧區委之榛莽無復有題名者矣

張子觀水于池篆書張字作鉅按劉原父鉅仲臣銘釋鉅爲張以爲張仲之器歐陽永叔從之趙明

金石文字記卷六
誠金石錄疑之黃長睿東觀餘論則云鉅其勿反
非張字考之玉篇信然然此云鉅子則爲張子無
疑蓋宋人之好奇者據原父永叔所定之字而用
之耳宣和博古圖亦有周鉅伯匜 此條篆字大
書無年號按宋朝紀元無有至十三者若曰金元
又不合一代全無題名止此一人也

元聖旨碑

右碑在州城內嶽廟西偏延禧殿前又有至正四
年猴兒年聖旨碑其文畧同按元史泰定帝本紀
有即位一詔與此相類鄙嘖之語播之王言傳之
史冊貽笑後人然其曰每年燒香的上頭得來的
香錢物件只教先生每收掌者則是時香錢固未
嘗以入官也後世言利之臣蓋元之不如已

靈巖寺宋李迪詩

右小石刻在長清縣靈巖山中其山距府九十
里南接泰山北帶龍洞齊乘以爲疑即水經之玉
符山而魏書所去朗公谷者在其東南自前代稱
爲勝境宋金元不題字最多子至則當兵火之後
縱橫偃蹇委之荆棘瓦礫之中然猶得唐一宋金
合四十餘元以後不能悉數唐刻爲天寶十一載
造舍利函記文不工不足錄而宋刻年月序次以
此爲首按史李迪謚文定前後三知兗州其再任

乃仁宗天聖中也

滕涉詩

祖無擇詩

孔舜思詩

張會宗詩

鮮

于侁詩

寃亭卞詩

蔡安持詩

杜欽況詩

金

王珩詩

路伯達詩

元傳亨詩

右石刻大小不一凡廿三通俱在靈巖寺其它刻

宋時者則有田稹五言詩嘉祐五年王達千佛殿

記元豐庚申李公顏金像記元祐壬申卞育遊山

記大觀戊子郭思遊山記大觀三年住持仁欽篆

書心經大觀四年仁欽生老病死苦頌仁欽十二

時歌仁欽靈巖十二景詩政和元年淨照和尚識

文政和五年劄付政和乙未趙子明題名靖康元

年高直臣題名而蔡卞經碑四幅前元符二年十

二月十三日書後建中靖國元年十一月五日書

在御書樓下特為書家所珍又有面壁像碑宋建

中靖國元年陳師道記金皇統七年重立金時者

則有皇統七年雲公禪師像正隆丙子張汝為題

名大定戊戌蕭守中題名明昌六年本寺田園記

明昌七年党懷英靈巖寺記元時者則有蛇兒年

大元國師法旨碑蒙古字至元龍兒年帝師法旨

碑蒙古字大德六年天童覺和尚默照銘至正四

年察罕晉華書唵嘛呢巴彌吽一行漢字一行蒙

古字凡元碑最多不盡錄錄其稍異者有至治元

金石文字言卷六
年忽都虎郡王太夫人八達氏詩詩只二句曰巖
前松檜時時綠殿上君王歲歲春大字刻之亦不
類婦人筆也又有宋蘇子由五言詩驗爲後人補
刻而復有子瞻徐州一歌誤刻於此其詩各見集
中不錄後之君子知予之所取者非以吹二氏之
狂瀾拾閨朝之落艷而情淡好古意在闡幽自有
不能已者且因以覽世道之汗隆考文辭之醇襍
亦豈不爲學人之一助哉

北嶽廟李夔詩

恒嶽晨望有懷

定州司馬李夔

二儀均四序五嶽分九州靈造良難測神功匪易酬

恒山北臨代秀峩東跨幽瀕洞鎮河朔嵯峨冠嵩丘
禋祠彰舊典壇廟列平疇古樹侵雲密飛泉界道流
從官叨佐理銜命奉珍羞薦玉申誠效鏘金詎有由
郊原照初日林薄委徂秋塞近風聲厲川長霧氣收
他鄉饒感激歸望切祈求景福如光願私門當復侯
右詩在真定府曲陽縣北嶽廟中廟有唐時大碑
五其一韋虚心文陳懷忠書行草其一張嘉貞文
自書其一鄭子春文崔鏗八分書其一李荃文戴
千齡八分書其一劉瑞文王知新書行草碑陰及
兩旁刻字皆滿其上層爲積土所蓋而余至時倉
卒求梯不可得止就下方讀之大率皆貞元至天

祐十數朝祭嶽題名六有宋人刻字獨此詩在韋碑後文雖不工然予見近代君子搜剔唐人之詩至於無名氏不知何代人之作皆收而附之而此灼然不誤者乃不得與斷簡殘編之列又北嶽廟自大碑之外絕無題詠故特錄焉又有宋王禹偁陳彭年韓琦三大碑及白憲書石幢一字皆可觀而稚圭自書通真顏魯公世人傳其字者罕也

惠明寺碑陰題名

太原縣北門外惠明寺塔碑宋元豐八年呂惠卿撰并書其陰下方有此三十一大字餘題尚多不錄凡碑文必面在先陰在後此碑元豐八年立爲

乙丑之歲而陰所題辛亥反在其前十有四年不可曉也豈非惠卿磨去前人之文而自刻之者與其陰歲月之猶存則固心勞日拙而亦天理之未盡泯者與夫毀人以自成君子之所深戒而今之名公貴人爲此者多矣歐陽詹所以悲顏魯公之碑而致弔于九江之驛也悲夫古碑之所以多不存於世其不以此也哉

華嶽廟賈竦詩

右在華嶽碑之左旁此碑前後空處爲宋人攬入題名甚多幸正文皆八分書題名或隸或行不相混耳而近代人踵刻者尚未止有一題曰崇禎十

金石文字言卷六
七年後平丑和州逸人戴逵孝再登嶽亦八分書
張惟一祈雨紀

右在述聖頌碑之左旁八分書

華陰縣令王宥等題名

右在述聖頌碑之右旁上為篆下為八分書唐有
兩上元年號此則肅宗時也

宋陳執中題名

右在碑陰韓賞文之下方有大曆九年華陰令盧
朝徹謁嶽廟文有貞元九年十三年題名其宋代
所刻惟此執中宋人所謚為榮靈者乃其書則不
俗也其碑之前左方下又有元豐乙丑王子文題

名

拱極觀記跋

易曰神而明之存乎其人本觀舊記爰自聖朝靖康
改元中朝奉大夫薛公名公度所作刻諸琬琰意欲傳於
久昨緣兵革蠹起大火縱焚致于泯滅其文則道之
竊嘗錄之以行逮今十三載矣經曰天地運度有數
而不失也道之雖至愚緬思景貺得非真君之密贊
耶謹募工重刊于石恭銘休美云時紹興九年歲次
己未中元日前西嶽知殿兼拱極觀主賜紫道士雷
道之謹記

右小碑本在拱極觀觀已久亾萬曆中有人搃地

得此碑置之嶽廟中與宇文周碑竝立其碑文鄙
淺無足采然吾於是見宋人風俗之厚而黃
冠道流猶能念本朝而望之興復其愈於後世之
人且千萬也夫紹興九年高宗方在臨安而金人
有許和之約考之於史八年十二月丁丑詔金國
使來盡割河南陝西故地通好于我令尚書省榜
諭九年三月丙申王倫受地于金得東西南三京
壽春宿亳曹單州及陝西京西之地四月辛亥命
樓炤宣諭陝西諸路十年五月金人叛盟陷永興
軍則此地之復歸於宋蓋無多日而雷道之一道
士耳能于干戈喪亂之際而繫思本朝辭微旨切
以視夫士大夫之覲顏臣僕者不大有逕庭邪余
見朝邑藏春塢之記稱阜昌癸丑而西安府學有
華夷圖刻亦稱阜昌七年以偽齊劉豫之號而欲
壽之貞石豈不見此文而媿死也其沒于土中久
而後出豈陷金之後觀主埋之如鄭所南井中心
史之爲邪

劉汾詩


右說經臺之左有碑前爲老子度函谷關圖元大
德庚子刻後爲希聲堂碑八分書延祐二年朱象
先撰而此詩則在碑之左旁亦八分書不著年月
詳其風致當爲元人之作草樓之前傳有老子繫

牛柏後人琢二石牛置其下故未句云然

霍山廟建文碑

維建文元年歲次己卯十月壬寅朔二十二日癸亥
皇帝遣序班周敷國子監生袁綱致祭于中鎮霍山
之神曰予荷昊天祐命承皇祖丕緒正大寶位統率
神人乃正月壬午祇祭上帝於南郊山川百神既與
奠享尚以未能特脩祀事于祠下爲憾是用遣官奉
香幣牲醴致祭維神以靈峻之德作鎮中土時出雲
雨協相兆民以稱予懷柔之意焉尚饗

右石刻一通在霍山中鎮廟西壁上予行天下
見洪武永樂以來祭告嶽瀆之文及它碑記甚多
獨未有建文年者意其在位日淺又或文皇御宇
之日而臣下之獻諛者從而剷去之也乃此文雜
於數十百碑之中而字畫完好無缺故亟錄之後
之君子每痛國史不存建文一代事蹟無從考證
若使通雅之士歷浚山窮谷而求之如此碑者世
間或尚有一二不止霍山廟也不猶愈於羅永菴
之詩程濟史彬之錄僞撰而無稽者乎因并書之
以告後人之能信古者



諸碑別體字

漢孔子廟禮器碑

祖

組豆

土仁

疑

泰山都尉孔宙碑

彫幣

幣

張表碑

頑訥

凶

荷恣

奇忒

金鄉長侯成碑

滋滋

孽

履真

淳于長夏承碑

策薰

黠

皓昊天

咳孩

孤

博陵太守孔彪碑

拑

極

馬

魯峻碑

樂於陵灌園之婁

潔

當登緄

袁

職

尹宙碑

支判流僊

遷

鉅鑪

鹿

白石神君碑

黍稷稻稂

梁

曹全碑

巴郡胸忍令

巴郡太守樊敏碑

皆折為韓魏

米巫殉虐

歲在汁協洽

析里橋郾閣頌

釋驛

散關之嘲潔濕

魏受禪碑

璿機璿

大鹿麓

大饗碑

岐陽之搜蒐

封孔羨碑

揖輯

五瑞斑班

宗彝

大皓大皞

建城鄉侯劉靖碑

隙隙

後魏弔殷比干墓文

遷遷

征征

睇睇

荆棘棘

工為絲葛葛

稟稟

扶扶

蕪蕪

黠黠

堯堯

棨棨

沉酒而不知甲兮終或已以貽戾

甲下當有子字或當作惑已謂姐已也

寘疑

樹兮英風

菜菊

寘寘

奮奮

釁釁

悖悖

綱綱

竊竊

毘鬼

邢

侯已脯當作鄂侯

其箕子

嗟人生檢疑

多殃

住往

者厥

屯曹曹

永乖

良巔

崩巔

冑胄

宇傳寬疑

業以循修

長

殷柔辛

陞止

故鄉

乘拵拵

條條

翔翔

曳

扶容之葩

裳

灑飄

執垂蓋而談疑

卡

令

憶攄

苦

登岵

疑疑

六輪螭

遙窳

帶帶

訴訴

捐柷

捐柷

靈鷄離

潘澆劉亮

府俯

沐髮

馭馭

虞隨

變變

歛吸

沆沆

寒門

颺疑

瑟

允疑

神寘疑

而威陵

揚揚

雲旗旗

大儀儀

靈循

脩傅

傅傅

說

張猛龍碑 像 像 壑 壑 嵬 嵬 絹 絹 先老 使使

沮涼 渠 饒 洮 河 出 第 弟 泣 血 血 磬 磬 力 戎

式 休 休 万 刃 刃 英 英 徽 承 承 華 鄆 鄆 方

羣 寘 寘 王 舍 生 造 頌 敷 敷 化 鄆 鄆 魯

李 仲 璇 孔 子 廟 碑 夤 夤 賓 敷 敷 化 鄆 鄆 魯

扶 疎 扶 疎 疎 蒞 曲 唱 阜 啖 笑 聘 聘 百 刃

切 諫 庶 質 質 昭 照 良 梁 木 西 栖 樓

煥 爛 爛 與 之 疎 歸 發 其 潛 盡 盡 之 所 出 二 盡

太 公 呂 望 碑 與 之 疎 歸 發 其 潛 盡 盡 之 所 出 二 盡

寧 俱 當 功 施 施 於 民 儒 默 墨 都 都 躬 聖 其 詞 粵

作 書 枕 枕 率 率 猥 貌 含 蒙 毫 彈 翰 翰 其 詞 粵

曰 鄆 曾 鄆 魯 巫 咒 巫 祝 肴 醕 肴 醕 華 歲 庚 曾 胃 曹

驪 山 溫 泉 頌 數 刃 刃 峻 峻 極 公 蔬 餗 高 塘 唐

之 雲 尅 尅 神 尅 聖 菜 綠 樹 公 蔬 餗 高 塘 唐

北 齊 郭 巨 碑 升 斗 升 斗 奸 軌 究 夔 蔽 日 惚 疑 峰

南 陽 寺 碑 雜 踏 杏 為 象 苑 苑 夔 蔽 日 惚 疑 峰

虧 構 扶 疎 為 象 苑 苑 夔 蔽 日 惚 疑 峰

後 周 華 嶽 頌 陟 升 彪 制 壑 壑 膏 茸 恒 姪 娥 旂

旃 蒙 哥 歌 旌 旌 無 壇 疆 膏 茸 恒 姪 娥 旂

豆 盧 恩 碑 龍 襄 驥 將 軍 沙 苑 苑 膏 茸 恒 姪 娥 旂

龍 藏 寺 碑 斗 升 踐 祚 祚 河 何 人 伽 藍 藍

雖 壞 懷 煩 惚 惱 北 拒 吾 五 臺 河 何 人 伽 藍 藍

雖 壞 懷 煩 惚 惱 北 拒 吾 五 臺 河 何 人 伽 藍 藍

啓法寺碑 梃植梃植 不惻測 蕤蕤 藁藁 經

綱 刹刹 陘陘 憂憂 魚魚 狐狐

常醜奴墓誌 暮暮 齒 申申 救救 菜菜

陳明府修孔子廟碑 灤灤 釜

姚恭公碑 祈 福俛福俛 敬友穆穆 親

唐宗聖觀記 井韓井韓

皇甫誕碑 肅然肅然 旌旌 橫劔桂柯桂柯 拊拊

胄 胄胄 產 鄣鄣 簡簡 祝祝 網泣辜 申申 裾

朱邸 馬犒馬犒 初封

昭仁寺碑 光光 奠奠

夫子廟堂碑 胄胄 史 反反 爻爻 莫莫 袞

裕 兗兗 爾微咲爾微咲 攝齋攝齋 餐餐 資覆匱

簣 以成山 彤彤 哥哥 頌 郵郵

化度寺碑 戢 曹

九成宮 遶遶 遶遶 遶遶

虞恭公碑 遠遠 料料 方絕大漢方絕大漢

歐陽詢書九歌 蘭蘭 旌

褒公碑 遠遠 剛剛

孟法師碑 江凌江凌 祕決祕決 薑薑 秦 摸摸 楷

褚書聖教序 苑苑 簡簡

褚書兒寬贊 版築飯牛之册版築飯牛之册 韋玄成韋玄成 作弘成

懷仁聖教序 耶耶 拊拊 苑苑 經經 攬攬 覽

李衛公碑 蕞夔 敵敵 俗俗

王居士塋塔銘 惚惚 纏纏

蘭陵長公主碑 皇帝字皆作篆文 搖瑤 華龔月

邁奉舊倩 之傷神 葳葳

許洛仁碑 墜墜 主 蒲蒲 州 漚漚 度曲村刊

聲 道因碑 苑苑 才晤悟 聰晤悟 鼻鼻 頤怡

然理順 具禍以蓋燼 嶠岷 蹲鴟鴟 袞袞

營輯葺 原原 源 膺悅疑 舟輕 郢斲斲

李文墓誌 粹卒 貧貧 擊磬磬 科升科斗

孔宣公碑 魯國郟郟 人 擊磬磬 科升科斗

泚泚 杵杵 材 浮磬磬 衛率 性 爻畫畫

緯載 無聲臭 華陽觀王先生碑 施妍媯媯 醜 泚泚 挺挺 橫

楹從 三影荆 之樹 歎歎 瓊瓊 闕 玄兔兔 蕞蕞

蚤蜂 飛 媯媯 斑斑 倕 苑苑 功虧覆蕞蕞

敬 鄭惠王石塔記 七作漆

修孔子廟詔表 兩兩露 露露 葑葑 莊莊 鼓鼓

膾膾 乾封元年祭孔子文 生蕞蕞

李英公碑 贊

開業寺碑 熟孰能 大土 吐世 沃混

褚亮碑 輻輻蓋 枅析 慕纂

澤王府主簿梁君誌銘 薄簿 欽明曆厥代 算

梁師亮墓誌銘 醞觴 榼旌 欽明曆厥代 算

覃 經 經 譚覃 思漆書 燥慘

于大猷碑 天骨鼎昂 藏

李承嗣造佛像銘 斲斷 珍彌 藜葢

法琬碑 五袴袴 烏象 珍彌 藜葢

甯思道石浮屠銘 上輕輕 車都尉 鼻鳧 矧矧

苑苑 黃陂萬項項 景龍觀鐘銘 正書中多用篆體

契苾明碑 管管 鷹楊前以木後以才 玉質金箱相 圖

諫牒 莫賀特勤勒 特勤勒 垂譽 碑俱用武

后字

瀛藏禪師塔銘 塚宰 沮沮 愍愍 弒殺 戮

衷裔 葉慧明碑 珍彌 考盤槃 遁代世 勿用

頤頤 頤頤 趙通盾 腹朗 日 斂矧

張廷珪孔子廟碑 趙通盾 腹朗 日 斂矧

韋虛心北嶽碑 魁魁 神元妙頤蹟 苑苑 彰荆

梁高望石浮圖銘 神元妙頤蹟 苑苑 彰荆

引引

引引

引引

秦望山法華寺碑 焯焯誠 僧瑤絲 豪濠州

御史臺精舍碑 壁殿中 禁二泚二泚 各各蹲

贊贊

淨業法師塔銘 父迪 栝栝地之姿

速孤行儼碑 乘海 彰荆揚 珍彌漫 升

明慶

少林寺碑 申縞縞林之敬 石罄磬 王克潛僭

號 蔡雍篋 德鑿鑿神珠 迎匝 竟競 有

典咸袂秩

嶽麓寺碑 轡轡 斂錫 惱惱 但但

東林寺碑 範梵經 惱 鏘鏘 憧憧 旃旃檀

陶侶侶

龐履温碑 衛雀雀 子臯羔 用成幸事

大智禪師碑 多所通 栝栝 旃旃檀 楮楮 紳

石壁寺鐵彌勒頌 菁菁 榮榮 淨觀觀 迴回

祿剛 剛

道振禪師塔銘 慇慇物 倦倦 構邁疾

充公之頌 掣傑

隆闡禪師碑 斜斜 檀那 猶由是 我城域

耶邪山 熙熙怡

嵩陽觀頌 矚愕 眙 仙太子 印印

多寶塔碑 苾菴 旃旃 檀 印印

臧懷恪碑

潔紮矩

楊揚州

自天寶距

于開

元

郭敬之家廟碑

行中潔紮

矩

麾城擗擗邑

邗

之攸堅慝

段行琛碑

牛崗岡啓繇

虛不缺

景教流行碑

寶裝翠翠即榮字

不空碑象

何讓讓

靳英者墓誌

時流響嚮風

楚金禪師碑

工人梓匠象

為象

開開

耀耀

耀剎剎剎

怛怛

真縱蹤

周孝侯碑

基護大護

舉舉

預豫章

射獸

虎獲軍

初勁

度虎

去去世事已

揮插錐

廿世

存風烈

俗哥歌

揆日

邠國公功德銘

鼓鼓

凡瓦

天矢

開關

極極

李晟碑構

迤演迤演

于後如衝如援援

殒殒

溝

亂

玄奘塔銘

納衲

衣

凡日字皆作日

贈太師崔陞碑

徂來菜

玄祕塔

頤頤

涅涅槃

神策軍聖德碑

齊聖廣泉淵

葳蕤蕤

解解躡

角

大特勤勒

盟沒斯

圭峰禪師碑

磁磁

州

鄭恒墓誌 淇隩澳 私茅業 內罔極 業業 文者

武安君白公廟記 鯨勅 敵 零星門

崔鑲北嶽廟碑 壇神 畢耶 苾 凍易疎疏 其浸

如抵指 諸掌 曷昇 中 盪多 森蘿羅 節

庀度 沐浴皇儼化 賡哥歌 太平 竿笑 殲

魁魁 績繪 事後素 昭晰

文賢劫像銘 珉珉

後唐李存進碑 楊劉作楊雷

補遺

古金石刻不獨文詞之典雅字畫之工妙為可愛
玩而先賢事跡前代制度不詳於史者往往著見
焉其有資於博聞多識不細矣而其為物散在天
地間日亾日少好古之士薈萃成書者十數家收
之博而辨之精無若歐趙二錄歐錄之目千趙錄
二千皆據其實有者籍記之他書循名泛列固不
辨其存亾也亭林先師實甚好古遊轍所至旁搜
博採著成此書惟就碑刻現存及收得拓本者錄
之得三百餘通其數少於歐趙而考論詳核不啻
過之夫今之去宋僅五百餘年而亾亾七八則過

此以往又當何如以彼亾佚者爲可惜則其幸而
存者可不知寶重哉來夙有此好孜孜訪求所得
有在茲編之外并歐趙所未錄者不忍使其無聞
謹附載於後以見古碑之亾於通都大邑而畱於
荒村窮谷者尚多有之蒐羅表章無令泯滅是所
望於後之君子門人潘耒謹識

漢桐栢淮源廟碑

八分書

延熹六年

今在桐栢縣

洪氏隸釋載此碑缺五字今拓本字畫完好而乏
淳古之氣蓋唐人重刻者據朱長文碑帖考云是
釋曠書釋曠開元時僧金石錄中有北嶽恒山碑
亦其所書也

後魏中嶽廟碑

八分書

太安二年

今在登封縣

魏太武帝因道士寇謙之奏請更造嵩嶽新廟立
碑紀事趙氏金石錄有其目余詣廟見此碑有一
孔疑是漢碑審視乃知其爲魏也碑中直稱謙之
爲天師爲師君以太武奉道親受符籙故云然字
體近拙而多古意中段剝蝕首尾具存碑陰復多
題字嵩山碑刻自漢平石闕銘外無古於此者近
日葉井叔作嵩陽石刻集記不知何以遺之

北齊嵩陽寺碑

八分書

天平二年四月

今在嵩山會善寺

碑記生禪師造塔及其徒倫豔繼造二塔事書法不工而碑文可誦碑後刻云大唐麟德元年歲次甲子九月景午朔十五日庚申從嵩陽觀移來會善寺立則唐人固以為舊物而珍之矣歐趙錄却
不載

唐龍門山石像記

正書

今在洛陽縣

龍門山鑿石為佛像無慮萬計石窟最大者今名賓陽洞像尤高大洞外石崖高處有刻字拓之得二十餘行首尾不具不知年月姓名按集古錄有三龕記貞觀十五年魏王泰為長孫皇后造岑文本撰銘褚遂良書今拓本有聿修陰德等語又有左武侯大將軍相州都督雍州牧魏王及懷鏡奩而不追云云知即此記也

汾陰公薛收碑

于志寧撰

永徽六年

今在醴泉縣

昭陵陪葬者百六十五人今存者僅十六碑記中載其十五惟遺此碑先師所錄必目覩其碑與收得拓本者非然則置之蓋其慎也碑止存百餘字而額尚完

葉有道碑

李邕撰并書

行書

開元五年

拓本

有道之子慧明孫法善三世爲道士明皇時法善見尊寵其祖若父之墓碑邕皆撰而書之可謂濫矣書法秀逸閑雅不見欹側之態蔡君謨謂是邕書最佳者良然

端州石室記

李邕撰

正書

開元十五年

今在高要縣

肇慶府北七星巖古名定山亦曰崧臺有洞通明宛委記刻在洞門石壁不類北海書集古錄疑爲張庭珪書庭珪長於八分凡邕文而庭珪書之者皆八分此則正書恐未然也記中云有若邦伯早公開元時有畢刺史者爲宋璟所稱早當作畢是摹刻之誤

支提龕銘

蔡景撰

正書

開元十九年九月

今在林縣碣峪

衛輝府林縣林慮山在其西黃華天平碣峪其最勝處余遊碣峪宿碣山寺見元勅旨碑金燈記勅公碑寺東三里許路傍有石龕刻三佛像視其銘乃唐物也書非名人而有初唐筆意以地僻人見者少故不入歐趙諸錄惜在露地當移置寺中乃可久耳

大照禪師碑

李邕撰并書

行書

天寶元年

拓本

大照名普寂大通秀之嗣去達摩七世是名北宗門庭甚盛所謂兩京法主三帝門師者也碑當在嵩嶽寺今不存拓本乃翻刻者不逮雲麾嶽麓亞於娑羅耳

比干墓碑

李翰撰

正書

天寶十載

今在汲縣比干廟

唐太宗追贈比干為太師貞觀中既立碑刻詔及祭文天寶中李翰官於衛作此碑沐封表之指其文雅正選入唐文粹中今碑乃宋建中靖國元年汲令朱子才重立

少林寺還天王師子記

正書

天寶十四載

今在少林寺

碑載久視年間僧義獎等狀及武后口勅碑小非名筆故諸錄遺之葉并叔官於登封而石刻記亦不載余至少林周行廊廡見此石嵌置東廡壁間亟搨得之知考古必須親閱也

崑臺銘

元結撰

篆書

大曆二年

浯溪銘

元結撰

瞿令問篆書

大曆三年

唐亭銘

元結撰

瞿令問篆書

大曆三年

右三銘竝在祁陽縣

元次山愛祁陽山水遂寓居焉名其溪曰浯溪築

臺曰晤臺亭曰唐亭所謂三吾者也臺銘刻在臺
之背甚完整溪銘亭銘刻於東崖石上隨石欹斜
蘚厚難搨而篆筆特佳視臺銘更勝別有黃山谷
書百餘字云與陶介石披榛翦穢得次山銘刻喜
而識之又有皇甫湜五言古詩一首次山之子讓
五言長律一首俱刻在中興嶺之旁

般若臺銘

李陽冰篆

大曆七年

今在福州烏石山

閩中絕少古刻鼓山題刻如麻無一唐蹟惟此銘
在三山爲最古又聞石塔寺有唐貞元中碑余未
之見

延陵季子廟碑

蕭定撰

張從申書

大曆十四

年八月

今在丹陽縣

丹陽城西南六十里有延陵鎮去鎮九里爲吳季
子廟有孔子十字篆碑及潤州刺史蕭定脩廟記
大理司直吳郡張從申書并識重刊篆碑歲月二
碑蓋同時立也歐陽公不喜從申書僅錄其三碑
今存者獨此耳昔人評張書頡頏李北海今觀遺
刻挺勁有餘而乏雋逸之氣恐未堪肩隨也

濟瀆廟碑

張洸撰

八分書

貞元十三年

拓本

唐制附祭北海於濟源此碑記新作祭器事碑文
乃濟源令張洗字濯纓所撰簡古有體裁一洗駢
儷之習洗與韓退之同時文體已矯傑如是蓋文
弊之極而將變元結權德輿輩皆然不獨韓也
阿育王寺常住田碑 萬齊融撰 范的正書 大
和七年十二月

今在鄞縣育王寺

碑載寺田興廢始末開元中秘書正字郎萬齊融
撰文趙州刺史徐嶠之書碑燬太和中復立明州
刺史于季友作後記屬處士范的重書之鄭氏金
石略載的所書凡五碑則固有名當時者碑未有

季友與的唱酬二律可補唐風之遺

復東林寺碑 崔黯撰 柳公權書 大中十一年

今在廬山東林寺

寺廢於會昌宣宗初崔黯為觀察使謀於舊僧正
言修復之黯為作記歐公稱其文辭道麗可愛今
碑斷缺不可讀而字畫存者殊佳東林惟此殘刻
及翻刻李北海碑猶存舊蹟若歐陽率更西林道
場記顏魯公題名崔融題詩李渤題影堂碑陰皆
不可見矣

尊勝陀羅尼經 正書 咸通四年八月

拓本

經刻於石幢漳州押衙王制造建州司戶叅軍劉
鏞書書法婉雅酷有虞氏廟堂筆意其碑當在漳
州今未知存否尊勝石幢在處多有余所見吳中
包山寺 年刻温州仙巖寺大中年刻皆完好

包山者書法尤佳字大而刻深宛然如新也

修禪道場碑

正書 無年月

今在天台山

寺在佛隴爲智者大師修禪之所碑文補闕梁肅
撰台州刺史徐放書天台山志所載有陳隋唐碑
十五六通訪之都不存獨有此碑矗立榛莽中日
就剝泐徒置近寺十夫力耳此碑現存而歐趙二

錄皆不載是知昔人星漏亦不少也金石畧所載
又有天台佛隴禪林寺碑亦徐放書今則亾矣

石橋寺詩

貞元三年正月

今在衢州

衢州府城南王十里有爛柯山相傳爲王質遇仙
之所有洞明豁旁峙一碑乃唐衢州刺史嗣江王

禕所題五言古詩元和元年州刺史陸庶記云刺
史韋公以外祖信安郡王詩刻石朱彞尊云考新

唐書表太宗第三子吳王恪恪第三子琨琨子禕
舊唐書傳禕少繼江王踞後封爲嗣江王改封信
安郡王景雲開元中兩爲衢州刺史詩當作於景

雲間而刻於貞元也詩中有薄煙羃遠村遙峰沒
歸翼二語楊用脩以爲仙人遺句殆未見此碑故
耳又有二碑刻唐人李幼卿李深謝劇羊滔薛戎
詩各一首今止

朔方節度使李光進碑

今狐楚撰

嗣子季元行

書

元和十一年

今在榆次縣

光進與弟光顏並爲唐名將憲宗平淮西光顏功
最高唐書二人並有傳光進碑今狐楚所撰光顏
碑李程所撰皆名臣也然歐趙二錄皆無此二碑
歐錄所載李光進碑楊炎撰韓秀實書者乃李光

弼之弟非光顏兄也趙錄有贈太保李良臣碑則
光進之父官止雞田州刺史初無功績以光顏故
贈太保與二子同葬一地乃趙氏錄其一而遺其
二殊不可解余友朱錫鬯過榆次趙村攝得此碑
以副本遺余故得而錄之其良臣光顏碑則已見
記中矣

憫忠寺重藏舍利記

景福元年

今在本寺

舍利塔一燔於太和八年一燼於中和二年至是
僧復嚴葬舍利於憫忠寺觀音像前南敘述記知
常書之碑中所云隴西令公大王者李匡威也匡

威欲遷舍利於閣內至拜疏於朝請發封壤認可
而後行當時崇重法寶如是

